

## Paerewa Paetae

<b>Aronga</b>	Hauora 2.4		
<b>Ingoa</b>	Te whakaatu māramatanga ki te pānga o te whakawhanaungatanga ki te oranga tangata		
<b>Kaupae</b>	2	<b>Whiwhinga</b>	4
<b>Marau akoranga</b>	Te Marautanga o Aotearoa		
<b>Kokonga akoranga</b>	Hauora - Wāhanga Ako		
<b>Mana rēhita</b>	Kua rēhitatia	<b>Te rā i mana ai</b>	19 Whiringa-ā-rangi 2015
<b>Te rā e arotakengia ai</b>	31 Hakihea 2020	<b>Te rā i puta ai</b>	19 Whiringa-ā-rangi 2015

### Te Hononga ki te Marautanga

I ahu mai tēnei paerewa paetae i te Taumata 7 o *Te Marautanga o Aotearoa*, i whakaputaina e Te Pou Taki Kōrero i te tau 2008.

### Whāinga Paetae

*Tangata, Whanaungatanga*

1 *Ka tātari i te āhua o ngā taura hono tāngata whaitake, ka aro atu ki ngā mātātaki me ngā hua ka puta.*

*Tangata, Huatau o te Whanaungatanga*

2 *Ka tātari i ngā mōhiohio, ka whiriwhiri whakatau, ka whakamahi i ngā pūmanawa mahi ngātahi hei whakataki i ngā taukumekume, i ngā whakataetae, me te rerekē haere o te āhua o ngā hononga tāngata.*

E hono ana ki te Papa Whakaako mō te Hauora kei te pae tukutuku nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

### Te Hononga ki ngā Tikanga Aromatawai

Arā ngā Tikanga Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

**Paerewa Paetae**

<p><b>Paetae</b> Te whakaatu māramatanga ki te pānga o te whakawhanaungatanga ki te oranga tangata</p>	<p>Hei tohu i te paetae:</p> <ul style="list-style-type: none"> <li>• Ka whakaahua i: <ul style="list-style-type: none"> <li>– te pānga o te whakawhanaungatanga ki te oranga tangata i roto i te horopaki ka tohua</li> <li>– ngā rautaki hei hiki i te oranga tangata.</li> </ul> </li> </ul>
<p><b>Kaiaka</b> He kaiaka te whakaatu māramatanga ki te pānga o te whakawhanaungatanga ki te oranga tangata</p>	<p>Hei tohu i te kaiaka:</p> <ul style="list-style-type: none"> <li>• Ka whakamārama i: <ul style="list-style-type: none"> <li>– te pānga o te whakawhanaungatanga ki te oranga tangata i roto i te horopaki ka tohua</li> <li>– ngā rautaki hei hiki i te oranga tangata.</li> </ul> </li> </ul>
<p><b>Kairangi</b> He kairangi te whakaatu māramatanga ki te pānga o te whakawhanaungatanga ki te oranga tangata</p>	<p>Hei tohu i te kairangi:</p> <ul style="list-style-type: none"> <li>• Ka arotake, ka tautoko hoki ki ngā korero taunaki, i: <ul style="list-style-type: none"> <li>– te pānga o te whakawhanaungatanga ki te oranga tangata i roto i te horopaki ka tohua</li> <li>– ngā rautaki hei hiki i te oranga tangata.</li> </ul> </li> </ul>

**Kōrero Āpiti**

E whai ake nei ngā whakamārama o ngā tino kupu, kīanga rānei:

whakawhanaungatanga	Ko te hononga o tētahi ki tētahi. Kei runga tonu i te horopaki o te kaupapa e puta mai ai te āhua o te hononga ki tētahi, pēnei i te aroha, i te mahi tahi, i te manaakitanga, i te tau mai o te pōuri, i te whakaratarata, i te whakahoahoa.
arotake	Ko te tātari, te whakamārama, te whakataurite i tētahi/ētahi āhuatanga me te whakatakoto whakaaro hei tūtohunga.

**Tātari Kounga**

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233